

雲南通志



雲南通志



雲南通志卷之第二十一

人物

鄉賢 孝義

忠烈 文學

宦蹟 隱逸

石蘊玉而山輝水懷珠而川媚人才之出邦國之光
也夫十室之邑必有忠信矧滇南山水奧衍扶輿磅
礴之氣篤生偉人漢唐以來如許淑盛覽之文學呂
凱謝恕之忠節隗叔通段赤城之孝義較中區人士
何多讓焉沿及元明尤多賢傑我

朝運際熙隆人才蔚起士之脩於家而獻於廷者蒸蒸
日盛夫聚千百年瑰偉奇傑之英或馨香於俎豆或
流譽於家邦載在志乘炳如也後之覽者毋亦有慨

然而興起者乎志人物

鄉賢

雲南府

漢

許

淑

善聞人元和中入中國受五經歸教鄉人

三國漢

孟

琰

朱提人建興閒諸葛亮南征收用豪傑爲官屬舉琰仕至輔漢將軍

唐

王仁求

安寧人河東刺史平賦化民漢夷悅服

王善寶

仁求子以雲麾將軍持節河東諸軍事有治蹟

元

張景雲

字天祥中慶人優於理學能文章授登仕郎

明

李

忠

初名特昆明人洪武開選貢入監宣見便殿賞賚甚厚賜名忠登甲戌進士知鳳翔縣恩威兼

濟有循吏風

尹

葆

字士蓋昆明人永樂初鄉貢在會川教授有文行卒於官

段

鑑

字至明昆明人永樂辛卯舉人宣德閒知嘉定州斷獄如神陞惠州知府卒於官兩地立祠祀

之

李

純

昆明人永樂甲午舉人倜儻有智略正統閒任御史巡按遼東邊功累著陞遼東巡撫後改榆

林尤有功績邊庭賴之卒於官

洪

誠

字克敬昆明人少厲志行登永樂戊戌進士累官順慶知府所至皆以廉明稱

楊

景

安寧人事母孝中永樂癸卯舉人任霸州州判尋改澧州有誣吳姓盜其牛者牽牛歸吳無以

自明景疑其杜取牛縱之郊垌牛奔吳氏誣者服罪秩滿擢化州州同會峒夷亂攻城守將夜縋城以遯兵民不滿三百景激以大義皆願盡力乃撤故倉木蔽城缺又縛藁人披衣甲置城上有三人緣堞上擒斬以徇賊引去都督歐信贈景守忠二字而寘守將於法天順庚辰以老乞致仕自度官貧鄉遠因占籍巴陵以子太傳一清貴贈如其官

張

英

字時俊昆明人事母至孝中正統戊午解元入太學時祭酒李時勉直言獲罪英忿且恥乃

同時大堅等詣闕請以身代遂蒙宥名動京師是日即乞歸養學士商文毅輅贈以詩居鄉教授生徒卒年九十有四黔國公沐琮禮重之

楊

一清

字應寧號邃庵別號石淙安寧人天順間薦奇童為翰林秀才登成化壬辰進士歷官右副都

御史督理茶馬鹽政條上事宜多所匡濟比巡陝西
脩復花馬池諸要害亭障固原告警單騎馳至瓦亭
會總兵曹雄設伏備禦奉勅總制三邊經略河套條
陳脩築增置防禦六事皆為劉瑾所格罷歸會安化
王反於寧夏起用乃謂監軍張永曰寧夏事旦暮且
有捷音但內變不測為可慮耳已而擒賊報果至張
永驚服乃請竟內變之說一清取永手畫瑾字永慄
息不敢任一清又密授永策永一如其言武宗乃
收瑾戮之因召為戶部尚書加太子太保尋改吏部
累至少傅入內閣嘗因災異自劾且言時事失宜朱
寧等疾之乃謝病致仕嘉靖乙酉復起兵部尚書總
督陝西冬召還內閣世宗待以腹心因大禮議不合
致仕尋削籍後贈太傅諡文襄一清嘗自謂生於滇
南長於湖南老於江南故晚號三南居士卜居於京
口丁卯橋猶不忘石淙因為號李夢陽為之記稱
其功著邊徼名顯社稷云所著關中奏議獻納稿石
淙等集

行於世

趙

璧

字蘭完昆明人成化壬辰進士歷官郎中太監
蔣宗誣奏南科後湖不法事行璧勘直之宗遂

奏璧黨科道左遷吉安府通判歷四川副使
所至多善政後乞歸著茶花譜及詩文集

唐

瑤 昆明人成化乙未進士任刑部郎中持法不阿
有客懷金夜入其門卻之亦不發於人後致政

歸號貞碩先生

傅

澄 字景深昆明人成化丁酉舉人任中江教諭歲
饑捐俸為粥以濟貧窶人皆德之初無嗣至是

遂舉一子乃決意歸田以子給事中良弼貴贈如其官祀蜀名宦

李宗泗

字希顏昆明人倜儻有智略幼從父應宦四川
籍於彭山登成化辛丑進士任池州府推官以

廉能著績陞南廣西道御史有丰裁時馬政多弊宗
泗一一肅清之遷辰沅兵備道又調山東僉事弘治

戊午曲阜聖廟災命重建俾泗董其事廟成賜金幣
尋陞江西副使會長河等洞賊攻掠郡邑泗出奇設

伏屢以捷聞勞
瘁得疾卒於官

李宗儒

字希雍宗泗弟幼穎悟留心理學登成化甲辰
進士丁父艱哀毀骨立廬墓三年服闋授刑部

主事以平允稱陞本部員外兄宗泗以南臺御史入
覲同謁楊文忠廷和皆目爲令器後卒於官囊無餘
物惟退食漫吟遺稿一帙

夏

暹

字景升左衛人成化甲辰進士歷官湖廣叅政
有廉名陞苑馬寺卿適值用兵軍官以首功數

十歸暹卻之轉廣西左布政使卒於任孫
較以歲貢任黔之畢節教諭三世皆清貧

吳九功

字時序昆明人弘治壬子舉人歷官山東僉事
齊東歲饑貧民相聚爲盜九功單車抵賊巢諭

以禍福皆感泣解散
後卒於官立祠祀之

繆

白

字元素呈貢人弘治乙卯舉人任成都府通判
從征番寇嚴戒妄殺攝推官讞獄多雪冤抑時

有宋姓者豪俠不法白廉得之欲正其罪直指不可
遂鬱鬱不樂仕進陞麻哈州知州卽請歸事母曲盡
色養林臥四十餘年以
盛德稱及卒貧不能殮

陳

淳

字唯素號澹齋呈貢人弘治辛酉舉人任太平
府通判有疑獄淳立辯之其他善政及人者多

民用梅檀刻像以祀後掛冠歸里以詩自娛給諫傳
良弼稱其未仕則富既仕而貧嚴於義利明於出處
至今鄉人言耆舊
必稱澹齋先生

毛

玉

字用成昆明人幼刻厲讀書母憂其銳恐致疾
玉每夜輒以衣障燈初上春官不第僦居燕市
與四方名士講業十七年登弘治乙丑進士以脩孝
宗實錄奉使滇黔訪求遺事歸報命授行人考選南
禮科給事中值察典論劾四十餘人皆當陞戶科左
給事中條上備禦諸策以憂歸服闋補吏科諫止巡
幸居庸危詞慷慨武宗動色中貴由烏思藏往還沿
途橫索御史林有年以論劾得罪下詔獄玉上疏極
諫得寬旨嘉靖初大禮議起玉同毛紀毛澄等跪門
哭諫世宗震怒被廷杖者一百八十餘人玉以六科
之首創更甚血肉糜爛數日卒燕士白衣冠相率送
其喪為文輓之穆宗即位追贈光祿寺卿所存奏議
十卷俱切中國是玉自幼孝於
繼母終身無倦容人咸稱之

王

輔

昆明人言行不苟有古君子風中正德丁卯舉
人知南部縣豈弟節儉稱循良吏子廷臣克遵

父訓以孝友聞仕
至龍安府同知

朱

尹號朗亭安寧人正德庚午舉人任崑山教諭陞
國子監助教聲傾六館歷巴州知州多善政歸

里澹然寡營
品概超逸

李資坤

字伯生昆陽人自幼以孝友聞中正德癸酉舉
人知宜城嘉定二縣陞南刑部主事歷官郎中

出知銅仁府開渠堰均田賦撫平寇亂卓有賢聲考
天下循吏第一所至皆有生祠竝崇祀名宦比歸置
義塾不謁公府性剛介寡合言動以禮老而彌篤積
書萬餘卷自號一蠹居士督學陳善採衆議檄州立
祠後裔之耕

羅

江字孔殷嵩明人天性英敏弱冠登正德甲戌進
士任建昌府推官直躬厲操抑折豪強卒於官

士民哀之
祀名宦

胡廷祿

右衛人正德丁丑進士任南戶部郎中與呂涇
野鄒東郭講究正學出爲河南按察副使會肅

宗南巡渡河嬪舟後至逮督撫及廷祿俱削籍歸所
居負郭足跡不至公門以篇什自娛顧應祥與同榜
先後撫滇未嘗一見後遷秩去造廬促之不得已出
見良久以果酒別於家所著書多散逸施光祿呈誅
曰庚桑深居泄柳閉戶
城闔如林竹松爲伍

孫繼魯

字道甫昆明人少負奇質書史過目不忘登嘉
靖癸未進士知澧州以他事避怒已者乞爲學

官改國子監助教歷戶部郎中出知衛輝府未幾調
淮安府中貴銜命督江南織造擅作威福繼魯與之
抗中貴怒譖訴於上逮至京執政爲之解罪止調官
既免弗謝調黎平府能以德化感格叛苗陞湖廣提
學副使每從帖括相士數語盡其生平合若左券晉
山西左叅政分守冀南繩宗人以法及陞本省按察
使宗人數百要於路發其裝惟布袍敝履他無所蓄
驚曰高皇帝以來罕見此官相與載酒偕士民追送
之至任益飭法約束舍人子自宗潢以及百姓咸願
久於其任尋晉右副都御史巡撫山西以邊事與總
督翁萬達意不合爲文誓於神慷慨忠義溢於言表
因各陳所見交上封事時率先萬達而後繼魯遂被

誣下獄讀易賦詩矢死不屈園中無桎梏日用飯盃
畫壁與同時得罪御史楊爵倡和百餘首名飯盃集
知公者以百口直之而時宰怒不解竟以疽發卒獄
中山西士民哭於長安者數百人穆宗卽位從言官
請贈兵部左侍郎
諡清愍賜祭葬

張

素字季文安寧人嘉靖癸未進士歷官湖廣兵備
道出方略平賊陞四川巡撫復著軍功勅賜金

帛致仕歸里囊無
餘蓄恬靜自如

陳常道

字子中呈貢人嘉靖丙戌進士知富順縣蠲鹽
課賑荒民陞主事疏請終養服闋陞常德知府

屢辯疑獄運麻陽兵餉有功陞建昌兵備道乞
歸杜門靜習手錄薛西園集衆解多所獨得

施

昱字子卓廣南衛人嘉靖丙戌進士任刑部主事
陞員外典試山東取士多名雋陞本部郎中以

議國戚張延齡獄不稱旨落職時已陞陝西僉事矣
家居八載起補貴州僉事威惠竝行士民繪像祝之
瓦店驛峻嶺夾江甚難渡昱設法爲巨橋覆以屋又
因効處得當欽賜銀幣值黔中大比錄文犯忌罪監

臨御史波及之謫茶陵州州同歷永州府通判遷徽
州府同知丁艱歸服除補大名知府陞湖廣僉事駐
承天府百務紛沓昱一意恤民不徇時好雖見忌疾
弗顧也以摛巨寇李邦珍功賜綺幣晉光祿寺少卿
卒於京昱孝友醇飭所著有禮經疑問藏於家

黃鳳翔

字冲霄號竹泉昆明人與其兄鳳翱少相師友
登嘉靖丙戌進士任刑部郎尚風節出知重慶

府鯁直為當事所忌拂衣歸杜門不出著述甚富人
問楊慎曰黃竹泉平平耳曰公勿言如竹泉者宇內
未易得也

段

纁

字朝聘昆明人嘉靖戊子舉人十上春官不第
益發憤向學在京與周洞巖論慎獨之旨謂本

無寂靜惟動不失常者近是不得分靜存動察為二
一時如謝高泉萬履庵皆與締交纁高自標植歸田
後與胡廷祿遊胡雅意詩文纁曰志於道者恥為詩
文胡即其居植衆卉曰借此以發生意纁曰生意豈
在彼也胡遂悟及胡卒纁誄之曰始待益於外來終
取足於天則自是堅臥不出宦滇者造廬欲一見終

不可得所居湫隘吁江
羅汝芳題其里曰顏巷

李茂陽

字三山昆明人蚤喪父事母至孝與兄向陽讀

不受嘉靖甲午癸卯弟兄相繼舉於鄉茂陽授四川
南充教諭士類多所成就遷知大足縣縣苦盜撫諭
有方朞年盜遂息以直忤上官乞歸終養還里
後杜門不出惟養親教子所著有歸來園集

余應桂

字夢徵昆明人幼孤事母孝中嘉靖丁酉舉人
知灌縣保民如子採山大役報成而民不擾蜀

民頌之陞重慶府同知清戎理鹺有能聲
歷知南康府興學正俗均糧息盜入覲卒

周

棐字公輔嵩明人嘉靖丁酉舉人任新蔡教諭攝
汝陽縣篆救荒全活者衆歷知廬山彭縣有惠

政

楊秉和

字節甫昆明人嘉靖庚子舉人知臨漳縣卻金
辯獄遷汝寧會宗府奪地自益疏聞下臺臣久

未決和慷慨啓王陳利害還所奪地以
歸民時稱廉能歷刑部員外郎乞歸

石

銀

呈貢人嘉靖庚子舉人知合江縣遷隴州知州

歸隱於大漁村窳約終身晏如也

顧天祐

字吉甫昆明人嘉靖癸卯舉人知建始縣城介

黨綜覈隱占邊鄙寧謐遷保寧府通判捕大盜得其窟盜悉除致政歸杜門著書以經學授徒卒年八十餘

嚴清

字直甫後衛人弱冠登嘉靖甲辰進士知富順

部屯田主事陞郎中督建外城及九陵綜覈出入省費巨萬出知保定府時廷議選邊才清與焉歷陞四川右布政綜理樽節蜀庫獨贏隆慶初巡撫貴州復移四川一切公私費悉從減省奏改金錢當輸京師者二十餘萬就近抵陝西佐邊費定番僧貢額罷有司團操蜀民稱便萬曆乙亥再命巡撫貴州條理得宜苗蠻懾服累遷刑部尚書秉公持平屢白冤抑神宗素知清特授吏部尚書時癸未冬計事填委所擯

斥雖閭里不少庇而引用巖穴知名之士實多無何
以勞瘁致疾四上疏乞歸又二年本兵乏人上特旨
起清清力辭疏入上遲回久之乃許戊子特晉太子
少傅歲給廩粟與夫卒贈太子太保賜祭葬諡恭肅
清性檢飭有威儀生平操行尤嚴於取與辭受居官
食麤衣敝與童僕同甘苦及爲尚書亦然輿疾出都
門遵潞河泝大江而行置石輕舟無慙古人歸漢後
隱於松華別業後進造請惟以脩身務學爲諄諄其
詩隨意興成有冰王堂集東阿于慎行刻筆塵載酒
遺事方馮保以罪籍沒得一冊於其家定陵披閱皆
籍記朝貴往來事及書
清無一字以此受知

郭

斗

字應秀昆明人嘉靖癸丑進士知孝感縣伸疑
獄行取南戶科給事中以母憂去服闋補山西

按察副使覈郵符寬民力遷貴州按察使時安國亨
構殺罰粟而止平滇黔道塗以利行旅歷浙江左布
政使致政歸萬曆初再起貴州尋歸田里構小樓於
進耳山賦詩作書自適一夕方據案吟咏忽擲筆而
卒